



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

258. An vi talis facultatis conferendi possit commendare in casibus, in
quibus commendare potest Episcopus.

[urn:nbn:de:hbz:466:1-74203](#)

Quæstio 258. An vi concessæ talis facultatis conferendi possit quoque commendare Vicarius in casibus, in quibus id potest Episcopus?

R Esp. Affirmative. Sbroz. l. 2. q. 83. n. 1. Barbos. cit. alleg. 54. num. 64. Azor. cit. cap. 44. qu. 10. Castropal. loc. cit. nu. 15. Pax. Jord. loc. cit. nu. 172. quia conferre est quid majus, quam commendare, & cui vi facultatis alicujus concessæ licet aliquid, quod plus est, non potest non eidem licere, quod minus est. Sbroz. Azor. Castropal. locis cit. Proceduntque haec à fortiori, dum dicta facultas concessa est Vicario sub verbo providendi, Castropal. loc. cit. quia illud significationem latiorem habet, omnèque modos provisionis propriissime comprehendit. Castropal. loc. cit. ex Gonz. gl. 17. num. 2. ubi is expresse, quod etiam includat commendam citatis pro hoc Gemin. in c. nemo de elect. in 6. nu. 7. Franc. ibidem. num. 5. Rot. decisi. 791. num. 9. part. 1. divers. Responsum tamen non procedere in Vicario speciali constituto ad conferendam (posito quod talis constitui possit) ita ut ille commendare nequeat, aferit Sbroz. cit. qu. 83. citatis Gemin. ubi ante. Felin. in cap. audit. de prescript. num. 12. &c.

Quæstio 259. An igitur etiam vi talis facultatis possit eligere & presentare, ubi ea spectant ad Episcopum?

1. R Esp. Respondebat affirmativè Azor. loc. cit. ubi expressè: Par ratione quando Vicarius accipit specialem facultatem conferendi beneficia, eo ipso intelligitur accepisse potestatem eligendi, instituendi, confirmandi, & presentandi, &c. Idem tenet Castropal. loc. cit. n. 15. citans Lambert. de jurep. part. 1. cap. 2. qu. 4. art. 4. ed quod nomine conferendi in materia favorabili, & in mandatis & facultatibus ordinariis comprehendantur omnes modi providendi, et si in mandatis otiosis sit contrarium. Procederetque hoc ipsum quoque à fortiori, si facultas illa conferendi ei data sub dicto termino providendi. Gonz. loc. cit. n. 1. citatis quamplurimis.

2. Verum contrarium tenent Pirk. loc. cit. nu. 52. Laym. in cap. cùm in generali de off. Vicar. nu. 7. Garcias part. 5. cap. 8. num. 83. citans Roch. de Curte v. honorificum. n. 25. eò quod licet conferre longè plus sit, quam præsentare, sicut etiam longè quid diversum à præsentare, adeoque etiam potestas conferendi, & potestas præsentandi valde inter se differant, à diversis autem non sit illatio, præsertim in materia stricta. Pro qua posteriore sententia videatur quoque facere illa, quæ dicta quæst. ante hanc. 3. nu. 1. nempe quod facultas generalis conferendi non extendat se ad ea beneficia, quorum collatio seu provisio non nisi iure speciali, seu non ordinario competit Episcopo (non enim per jus speciale ibi intelligi videtur solum privilegium) qualia sunt, ad quæ eligere vel præsentare haberet Episcopus, cùm id non haberet de jure ordinario, sed de jure aliquo speciali, v. g. quia vi fundationis à se factæ, vel donatione sibi facta haberet juspatriotatus,

Quæstio 260. An facultas conferendi beneficia extendat se quoque ad resignationes recipiendas?

R Esp. Affirmative probabilem censer Castropal. loc. cit. nu. 10. eò quod resignatio solum posse fieri coram Superiore potente beneficium resignatum conferre, ut gl. in Clem. unic. de renunc. v. manibus. adeoque cum Vicarius sit Superior, & possit resignata conferre, poterit & resignationes admittere. E contra Pirk. loc. cit. n. 52. absolutè negat posse Vicarium vi concessa facultatis conferendi admittere resignationes sive factas simpliciter, sive permutationis gratiæ; eò quod haec sunt diversæ potestates, à quarum una non licet argumentari ad alteram. Citat pro hoc Parisum de resign. lib. 7. qu. 24. nu. 15. &c. 16.

Quæstio 261. An Vicarius conferens vi dictæ facultatis sibi concessæ conferat tanquam Ordinarius?

R Esp. Negative, sed dicitur illa conferre tanquam delegatus seu specialis commissarius. Sbroz. lib. 2. qu. 88. nu. 1. citans Felin. in cap. licet de off. Ordinarii. 1. Pavin. de potest. Capit. sede vac. part. 2. qu. 10. nu. 31. Paris. conf. 80. nu. 13. in 4. Cuch. Insti. Jur. can. de Vicar. Episc. nu. 112. Unde jam etiam à tali collatione appellari poterit ad Episcopum. Sbroz. loc. cit. nu. 2. citatis Pavin. Paris. ubi ante. Gemin. Franc. in cap. 2. de off. Vicar. in 6. Cuch. n. 113. Milis. in repertor. v. Vicar. Episc.

Quæstio 262. Num Episcopus, postquam Vicario suo contulit dictam facultarem, posset adhuc concurrere cum illo, illùnque prævenire in conferendo?

1. R Esp. Affirmative. Barbos. cit. alleg. 54. n. 65. Pax. Jord. cit. loc. nu. 181. Azor. cit. cap. 44. qu. 12. Pirk. ad iur. de off. Vicar. nu. 55. Laym. ad o. cùm in generali, tit. eod. in 6. nu. 2. Sbroz. l. 2. qu. 93. etiam quamplurimos. Dando enim istam facultatem Vicario, non dedit illam privativè, seu privando se illa, sed cumulativè, retinendo semper sibi quoad hoc maiore potestate, quemadmodum dicitur de Papa concedente Episcopis alternati. vam, quin &c, ut Sbroz. loc. cit. nu. 3. per collationem factam ab Episcopo Vicarius censetur revocatus quoad illam collationem.

2. Unde jam etiam, si uterque Episcopus & Vicarius contulissent, & non constaret, quis eorum prius contulisset, preferri deber collatio facta ab Episcopo. Azor. Pirk. Laym. Pax. Jord. locis cit. Sbroz. lib. 2. qu. 94. Ampliatur idipsum, ut procedat, etiamsi Episcopus contulerit beneficium extra diæcesin eadem die, quo contulit Vicarius. Pirk. ex Sbroz. loc. cit. num. 3. citante pro hoc Lambert de jurep. lib. 2. part. 3. qu... art. 3. Corvar. lib. 3. variar. resol. cap. 20. num. 8. Cuch. ubi ante. nu. 97. Restringitur è contra, ut non procedat, ubi provisus à Vicario accepisset jam possessionem ante provisam ab Episcopo; quia melius est conditio possidentis. Sbroz. loc. cit. nu. 5. citans Cuch. ubi ante, num. 44. Rebuff. in pr. tit. de form. Vicar. num. 213. Item si in collatione facta à Vicario ad esset dies & hora, & in collatione facta ab Episcopo tantum ad esset dies. Idque ideo, quia colla-